



MØTEINNKALLING

Utval: Valstyret
Møtedato 09.02.2023
Møtetid: Kl. 15:00
Møtestad: Kommunehuset – Kommunestyresalen

Varamedlem skal ikkje møta utan nærare innkalling

Forfall til møtet må meldast snarast råd til servicesenteret (tlf. 56 58 74 00 eller e-post postmottak@samnanger.kommune.no), som vil kalla inn varamedlem.

Me ber om at alle som kan vera ugilde i ei eller fleire saker på sakslista melder frå om dette til servicesenteret.

Knut Harald Frøland
leiar i utvalet

SAKLISTE

Saker til handsaming på møtet

Sak nr.	Arkivsak	Sakstittel	Merknad
001/2023	23/80	Godkjenning av innkalling og sakliste	
002/2023	22/73	Røystelokale i Samnanger ved kommunestyre- og fylkestingsvalet 11.09.2023	
003/2023	22/73	Opningstider i røystelokala i Samnanger på valdagen 11.09.2023	
004/2023	22/73	Tidlegrøysting og førehandsrøysting ved kommunestyre- og fylkestingsvalet 2023 i Samnanger	
005/2023	22/73	Tal medlemmer i røystestyra og valfunksjonærar ved kommunestyre- og fylkestingsvalet 2023	
006/2023	22/73	Fastsetjing av lokale fristar ved kommunestyre- og fylkestingsvalet 2023	



SAKSFRAMLEGG

Sakshandsamar: Jan Erik Boge	Arkivkode: FE-033
Arkivsaksnr: 23/80	Løpenr: 23/972
Sakstype: Politisk sak	

SAKSGANG

Styre, utval, komité m.m.	Møtedato	Saksnr
Valstyret	09.02.2023	001/2023

Godkjenning av innkalling og sakliste

Rådmannen sitt framlegg til vedtak:

- Innkalling og sakliste vert godkjent.



SAKSFRAMLEGG

Sakshandsamar: Jan Erik Boge	Arkivkode: FE-010
Arkivsaksnr: 22/73	Løpenr: 23/181
Sakstype: Politisk sak	

SAKSGANG

Styre, utval, komité m.m.	Møtedato	Saksnr
Valstyret	09.02.2023	002/2023

Røystelokale i Samnanger ved kommunestyre- og fylkestingsvalet 11.09.2023

Rådmannen sitt framlegg til vedtak:

Ved kommunestyre- og fylkestingsvalet i Samnanger 11.09.2023 blir røystelokala som følgjer:

- Valkrins 01 Nordbygda – Biblioteket på Bjørkheim
- Valkrins 02 Tysse – Samnanger ungdomsskule
- Valkrins 03 Gjerde – Storstova på Samnangerheimen

Vedtaket er gjort med heimel i vallova § 9-3 andre ledd.

Dokument som ikkje er vedlagt:

- Vallova
(<https://lovdata.no/dokument/NL/lov/2002-06-28-57>)

Saksopplysningar:

Bakgrunn for saka:

Valdagen i Samnanger for årets kommunestyre- og fylkestingsval er måndag 11.09.2023. Det går fram av vallova § 9-3 andre ledd at det er valstyret som bestemmer kvar stemmegjevinga skal føregå. Det står i den same paragrafen at stemmegjevinga skal føregå i eit eigna og tilgjengeleg lokale, og at veljarane skal kunne ta seg inn i lokala utan hjelp (krav om universell utforming). Lokale som ikkje oppfyller desse vilkåra skal ikkje nyttast med mindre det ligg føre særlege grunnar. Det skal vera eitt vallokale (røystelokale) for kvar valkrins.

Fakta grunnlag, problemskildring og moglege løysingar:

Samnanger kommune er delt inn i tre valkrinsar (01 Nordbygda, 02 Tysse og 03 Gjerde). Ved stortings- og fylkestingsvalet i 2021 var organiseringa som følgjer:

Valkrins	Røystelokale
01 Nordbygda	Biblioteket på Bjørkheim
02 Tysse	Samnanger ungdomsskule
03 Gjerde	Storstova på Samnangerheimen

Før 2021 var Nesodden bedehus røystelokale for Gjerde valkrins. Valstyret vedtok ved valet i 2021 å endre røystelokale for denne krinsen til storstova på Samnangerheimen. Bakgrunnen for dette var i hovudsak at det ville vera enklare å ivareta korona-smittevern på ein god måte i storstova på Samnangerheimen enn i Nesodden bedehus.

Uttalar frå andre:

Det er ikkje henta inn uttalar frå andre i samband med arbeidet med dette saksframlegget.

Vurderingar og konsekvensar:

Vurderingar:

Rådmannen sitt inntrykk er at alle tre røystelokala som vart nytta ved valet i 2021 fungerte godt. Sjølv om flyttinga frå Nesodden bedehus til storstova på Samnangerheimen i 2021 primært vart gjort av smittevernomsyn, er rådmannen si vurdering at storstova totalt sett er betre eigna som røystelokale enn bedehuset. Både tilgjenge, romstorleik, ventilasjon, moglegheit for separat- inn og utgang og tilgang til kommunalt nett tilseier at storstova bør veljast som røystelokale også i år.

Rådmannen kan ikkje sjå at det er behov for gjera endringar for valkrinsane Nordbygda eller Tysse, i og med at røystelokala i begge desse krinsane har fungert godt. Det er også ein fordel at det er tilgang til kommunalt nett både på biblioteket og på ungdomsskulen.

Konsekvensar:

Vedtaket i denne saka vil berre ha små økonomiske konsekvensar. Dersom lokale som ikkje er kommunale (for eksempel Nesodden bedehus) skal brukast som røystelokale, vil kommunen måtte betala leige, men desse leigeutgiftene vil ikkje vera store.

Det viktigaste i denne saka er å sikra at røystelokala i Samnanger er godt eigna og oppfyller krava i vallova § 9-3 andre ledd.

Konklusjon:

Rådmannen tilrår å bruka dei same røystelokala ved årets val som ved valet i 2021.



SAKSFRAMLEGG

Sakshandsamar: Jan Erik Boge	Arkivkode: FE-010
Arkivsaksnr: 22/73	Løpenr: 23/187
Sakstype: Politisk sak	

SAKSGANG

Styre, utval, komité m.m.	Møtedato	Saksnr
Valstyret	09.02.2023	003/2023

Opningstider i røystelokala i Samnanger på valdagen 11.09.2023

Rådmannen sitt framlegg til vedtak:

Opningstidene i røystelokala i Samnanger ved kommunestyre- og fylkestingsvalet på valdagen 11.09.2023 blir klokka 10:00 – 20:00.

Vedtaket er gjort med heimel i vallova § 9-3 andre ledd.

Dokument som ikkje er vedlagt:

- Vallova
(<https://lovdata.no/dokument/NL/lov/2002-06-28-57>)

Saksopplysningar:

Bakgrunn for saka:

Det går fram av vallova § 9-3 andre ledd at valstyret avgjer kvar stemmegjevinga skal føregå og fastset tida for stemmegjeving. Dette saksframlegget gjeld kva opningstider det skal vera i røystelokala i Samnanger på valdagen 11.09.2023.

Det blir lagt fram eiga sak for valstyret om kvar stemmegjevinga skal føregå på valdagen 11.09.2023 (sak om røystelokale).

Fakta grunnlag, problemskildring og moglege løysingar:

Det går fram av vallova § 9-3 andre ledd at røystelokala ikkje kan halda ope lenger enn til klokka 21 på valdagen.

Ved dei siste vala i Samnanger har opningstidene i røystelokala på valdagen vore som følgjer:

Valkrins	Opningstid 2021	Opningstid 2019	Opningstid 2017	Opningstid 2015
-----------------	------------------------	------------------------	------------------------	------------------------

01 Nordbygda	10:00 – 21:00	10:00 – 20:00	10:00 – 20:00	10:00 – 20:00
02 Tysse	10:00 – 21:00	10:00 – 20:00	10:00 – 20:00	10:00 – 20:00
03 Gjerde	10:00 – 21:00	10:00 – 20:00	10:00 – 20:00	10:00 – 20:00

Ved folkerøystinga i Samnanger i 2016 var opningstida i alle vallokala kl. 13:00 – 20:00.

Bakgrunnen for at opningstida vart forlenga til kl. 21:00 ved valet i 2021, var at det på som følgje av koronapandemien var behov for å redusera risikoen for kø i røystelokala. Forlenga opningstid var eitt av fleire smitteverntiltak i samband med valet i 2021.

Uttalar frå andre:

Det er ikkje henta inn uttalar frå andre i samband med arbeidet med denne saka.

Vurderingar og konsekvensar:

Vurderingar:

Rådmannen si vurdering er at opningstidene i alle røystelokala på valdagen 11.09.2023 bør vera kl. 10:00 – 20:00. Det var særlege omstende (koronapandemien) som låg til grunn for at opningstida vart utvida med ein time ved valet i 2021, og situasjonen vil etter alt å døme vera annleis på valdagen i år enn i 2021.

Før 2015 hadde kommunen ordning med forlenga opningstid (til kl. 21:00) i ein av valkrinsane. Rådmannen tilrår ikkje at denne ordninga blir gjeninnført. Opningstid fram til kl. 20:00 bør vera tilstrekkeleg til at dei innbyggjarane som ønskjer å røysta på valdagen får god moglegheit til dette.

Konsekvensar:

Det vil ikkje ha vesentlege konsekvensar om opningstida i røystelokala på valdagen i 2021 blir redusert med ein time i forhold til i 2021. Dersom opningstida skal vera til kl. 21:00 også i år, vil dette sjølvsagt føra til at valresultatet for Samnanger vil bli klart seinare enn ved opningstid til kl. 20:00.

Økonomisk sett vil det ikkje ha spesielle konsekvensar om opningstida blir til kl. 20:00 eller 21:00. Det same gjeld om opningstida startar før eller seinare enn kl. 10:00.

Konklusjon:

Rådmannen tilrår at opningstida i røystelokala på valdagen 11.09.2023 blir den same som ved vala i perioden 2015 – 2019, kl. 10:00 – 20:00.



SAKSFRAMLEGG

Sakshandsamar: Jan Erik Boge	Arkivkode: FE-010
Arkivsaksnr: 22/73	Løpenr: 23/202
Sakstype: Politisk sak	

SAKSGANG

Styre, utval, komité m.m.	Møtedato	Saksnr
Valstyret	09.02.2023	004/2023

Tidlegrøysting og førehandsrøysting ved kommunestyre- og fylkestingsvalet 2023 i Samnanger

Rådmannen sitt framlegg til vedtak:

Tidlegrøysting og førehandsrøysting i Samnanger ved kommunestyre- og fylkestingsvalet 2023 blir halde på kommunehuset på kvardagar klokka 09:00 – 15:00.

I tillegg blir det tilbod om førehandsrøysting på biblioteket på Bjørkheim følgjande dagar:

- Laurdag 26.08.2023 klokka 10:00 – 14:00
- Torsdag 31.08.2023 klokka 15:00 – 19:00
- Laurdag 02.09.2023 klokka 10:00 – 14:00
- Torsdag 07.09.2023 klokka 15:00 – 19:00

Vedtaket er gjort med heimel i reglane i vallova og valforskrifta.

Dokument som ikkje er vedlagt:

- Vallova
(<https://lovdata.no/dokument/NL/lov/2002-06-28-57>)

Oppsummering:

Det må gjerast vedtak om kva lokale i Samnanger som skal brukast til tidleg- og førehandsrøysting til kommunestyre- og fylkestingsvalet i Samnanger 2023. I tillegg må det gjerast vedtak om opningstider for tidleg- og førehandsrøystinga. Valstyret har vedtaksmynde i saka.

Saksopplysningar:

Bakgrunn for saka:

Reglar om førehands- og tidlegrøysting står i kapittel 8 i vallova. I tillegg har valforskrifta utfyllande reglar. Det går fram av vallova § 8-3 første ledd at røystegjevinga skal føregå i eigna og tilgjengeleg lokale, og at veljarane skal kunne ta seg inn i vallokala utan hjelp. Det går fram av valforskrifta § 24 at valstyret skal kunngjera tid og stad for førehandsrøystegjevinga.

Faktagrunnlag, problemskildring og moglege løysingar:

Den ordinære førehandsrøystinga skjer frå og med 10. august, jf. reglane i vallova § 8-1 første ledd. For kommunestyre- og fylkestingsvalet 2023 vil førehandsrøysteperioden vera torsdag 10.08.2023 – fredag 08.09.2023.

Perioden for tidlegrøysting er 1. juli – 9. august. Ordninga med tidlegrøysting er heimla i vallova § 8-1 fjerde ledd. Denne ordninga gjeld veljarar som oppheld seg innanriks, unnateke på Svalbard og Jan Mayen, og som ikkje kan avgje røyst i perioden for den ordinære førehandsrøystinga eller på valdagen. Formelt sett er ei slik «tidlegrøyst» ein del av førehandsrøystinga. Veljarar skal ha høve til å tidleg- og førehandsrøysta i alle kommunane i landet, ikkje berre i den kommunen dei er manntalsførte i.

Ved stortingsvalet i 2021 var valdagen måndag 13.09.2021. Samnanger hadde då følgjande ordning for tidleg- og førehandsrøysting, ref. vedtak i valstyret 27.05.2021:

1. Tilbod om tidleg- og førehandsrøysting på kommunehuset på kvardagar mellom klokka 09:00 og 15:00.
2. Tilbod om førehandsrøysting på biblioteket på Bjørkheim på følgjande dagar:
 - Laurdag 28.08.2021 klokka 10:00 – 14:00
 - Torsdag 02.09.2021 klokka 15:00 – 19:00
 - Laurdag 04.09.2021 klokka 10:00 – 14:00
 - Torsdag 09.09.2021 klokka 15:00 – 19:00

Uttalar frå andre:

Det er ikkje henta inn uttalar frå andre i samband med arbeidet med denne saka.

Vurderingar og konsekvensar:

Vurderingar:

Det er viktig at kommunen legg godt til rette for tidleg- og førehandsrøysting, mellom anna for å prøva å få ei så stor valdeltaking som mogleg. Erfaringane med ordninga kommunen hadde i samband med valet i 2021 var gode. Dette gjaldt både førehandsrøystinga på kommunehuset på dagtid på kvardagar og tilbodet to laurdagar og to torsdags ettermiddagar på biblioteket på Bjørkheim. Rådmannen foreslår tilsvarande ordning også ved årets val.

Konsekvensar:

Det kan sjølvstøtt vera eit alternativ å utvida tilbodet om førehandsrøysting på biblioteket på Bjørkheim ytterlegare, for eksempel ved å ha tilbod tre laurdagar og tre torsdags ettermiddagar før valdagen. Rådmannen vil likevel ikkje tilrå dette, primært av omsyn til arbeidsbelastninga for dei tilsette på servicesenteret på kommunehuset. Dei har allereie frå før stor arbeidsbelastning i samband med valet, og det vil også vera dei som bemannar førehandsrøystingslokalet. Det vil også vera ein tilleggskostnad (lønnskostnad) dersom tilbodet skal aukast.

Konklusjon:

Rådmannen foreslår same ordning/tilbod for tidleg- og førehandsrøysting i Samnanger i 2023 som ved valet i 2021. Kommunen vil då ha eit godt og føremålstenleg tilbod til veljarane.



SAKSFRAMLEGG

Sakshandsamar: Jan Erik Boge	Arkivkode: FE-010
Arkivsaksnr: 22/73	Løpenr: 23/193
Sakstype: Politisk sak	

SAKSGANG

Styre, utval, komité m.m.	Møtedato	Saksnr
Valstyret	09.02.2023	005/2023

Tal medlemmer i røystestyra og valfunksjonærar ved kommunestyre- og fylkestingsvalet 2023

Rådmannen sitt framlegg til vedtak:

Til valstyret sitt møte i mai 2023 skal det leggjast fram liste med seks kandidatar til kvart røystestyre i Samnanger ved kommunestyre- og fylkestingsvalet 2023. Alle kandidatane må ha gjeve samtykke til at dei er villige til å stå som kandidatar.

Rådmannen får fullmakt til å oppnemna ekstra valfunksjonærar i kvar røystekrins, dersom det er behov for dette. Også frå desse må det innhentast samtykke på førehand.

Valfunksjonærar som møter i røystelokala på valdagen, får møtegodtgjerd etter «Høg sats» i § 2-5 i Samnanger kommune si forskrift om godtgjerd, dekking av utgifter m.m. for folkevalde. Dette gjeld både medlemmer i røystestyra og eventuelle andre valfunksjonærar som møter på valdagen.

Dokument som ikkje er vedlagt:

- Vallova
(<https://lovdata.no/dokument/NL/lov/2002-06-28-57>)
- Delegeringsreglement for Samnanger kommune
(<https://www.samnanger.kommune.no/siteassets/reglement-og-vedtekter/delegeringsreglement/delegeringsreglement-ajourfort-19.12.2021.pdf>)

Saksopplysningar:

Bakgrunn for saka:

Ved kommunestyre- og fylkestingsvalet 11.09.2023 vil Samnanger kommune vera inndelt i tre valkrinsar:

- 01 Nordbygda
- 02 Tysse
- 03 Gjerde

Det er eitt røystelokale i kvar valkrins. Det går fram av vallova § 4-2 at dersom stemmegjevinga føregår på fleire stader i kommunen, skal eit stemmestyre med minst tre medlemmer administrera stemmegjevinga på kvar stad. I Samnanger blir stemmestyre kalla røystestyre. Kommunestyret kan delegera oppnemninga av røystestyre til valstyret. Slik delegering er gjort i Samnanger, jf. punkt 13.1 i kommunen sitt delegeringsreglement.

Faktagrunnlag, problemskildring og moglege løysingar:

I Samnanger har det vore vanleg at talet på medlemmer i røystestyra blir vestemt ut frå kor mange valfunksjonærar ein reknar med at det vil vera behov for i røystelokala på valdagen. Alle valfunksjonærane i røystekrinsane har vanlegvis vore enten medlemmer eller varamedlemmer i røystestyra. I samband med stortingsvalet i 2021 vedtok valstyret 08.04.2021 at det skulle leggjast fram liste med ni kandidatar til kvart røystestyre. Val av medlemmer vart gjort av valstyret 27.05.2021. Det vart i alt 25 personar med på valdagen i røystekrinsane i 2021.

Det vil også vera mogleg å ha ei ordning med færre medlemmer i kvart røystestyre (for eksempel seks medlemmer), og at det ved behov i tillegg kan oppnemnast nokre ekstra valfunksjonærar som ikkje sit i røystestyret.

Uttalar frå andre:

Det er ikkje henta inn uttalar frå andre i samband med arbeidet med denne saka.

Vurderingar og konsekvensar:

Vurderingar:

Vallokala vil vera opne i om lag ti timar på valdagen 11.09.2023 (truleg kl. 10:00 – 20:00). Det vil derfor vera behov for ein arbeidsplan for valfunksjonærane, for å unngå at nokon må vera i vallokalet samanhengande i heile opningstida. Truleg bør det til ei kvar tid vera minst fem valfunksjonærar i kvart vallokale i opningstida på valdagen.

Rådmannen foreslår at det ved årets val blir valt seks medlemmer i kvart røystestyre, inkludert leiar. I tillegg bør rådmannen få fullmakt til å oppnemna ekstra valfunksjonærar i kvar røystekrins, etter behov. Det kan også henda at servicesenteret på kommunehuset vil kunne ha ein medarbeidar til stades i kvart av røystelokala delar av valdagen.

Konsekvensar:

Dei som møter i røystestyra på valdagen, får ei godtgjersle som tilsvarar møtegodtgjersla i kommunestyret (per i dag 1 810 kroner). Den same ordninga bør også gjelda for eventuelle andre valfunksjonærar som møter i røystelokala på valdagen. I budsjetteringa av valet i 2023 er det lagt inn midlar til møtegodtgjersle for det same talet på valfunksjonærar som i 2021. Dersom talet på medlemmer/valfunksjonærar blir høgare enn dette, vil utgiftene bli høgare enn budsjettet.

Konklusjon:

Rådmannen tilrår at det ved valet i 2023 skal vera seks medlemmer i kvart røystestyre, inkludert leiar. I tillegg bør rådmannen få fullmakt til å oppnemna nokre ekstra valfunksjonærar i kvar røystekrins, dersom det er behov for dette.



SAKSFRAMLEGG

Sakshandsamar: Jan Erik Boge	Arkivkode: FE-010
Arkivsaksnr: 22/73	Løpenr: 23/196
Sakstype: Politisk sak	

SAKSGANG

Styre, utval, komité m.m.	Møtedato	Saksnr
Valstyret	09.02.2023	006/2023

Fastsetjing av lokale fristar ved kommunestyre- og fylkestingsvalet 2023

Rådmannen sitt framlegg til vedtak:

Det blir fastsett følgjande fristar i samband med kommunestyre- og fylkestingsvalet 2023 i Samnanger:

1. Klagefrist for godkjent/forkasta listeframlegg er fredag 02.06.2023.
2. Frist for listestillarar til å setja fram krav om røystesetlar er fredag 30.06.2023.
3. Frist for listestillarar til å setja fram krav om gratis eksemplar av manntalet er fredag 30.06.2023.
4. Frist for å søkja om å avgje røyst heime (ambulerande røystegjeving) er tysdag 05.09.2023.
5. Frist for å søkja om fritak for å stå på valliste er torsdag 04.05.2023.
6. Frist for å melda frå om kva listeforslag ein vil stå på er torsdag 04.05.2023.
7. Klagefrist for valoppgjeret er torsdag 26.10.2023.

Vedtaket er gjort med heimel i reglane i vallova og valforskrifta.

Dokument som ikkje er vedlagt:

- Vallova
(<https://lovdata.no/dokument/NL/lov/2002-06-28-57>)
- Valforskrifta
(<https://lovdata.no/dokument/SF/forskrift/2003-01-02-5>)
- Valhanboka – Kommunal- og distriktsdepartementet
(<https://www.regjeringen.no/no/tema/valg-og-demokrati/den-norske-valgordningen/valghandboken/id463405/>)

Oppsummering:

Det er behov for at valstyret fastset nokre tidsfristar i samband med kommunestyre- og fylkestingsvalet i Samnanger 2023. I denne saka kjem rådmannen med forslag til fristar.

Saksopplysningar:

Bakgrunn for saka:

Vallova og valforskrifta har diverse faste fristar for gjennomføring av val. På nokre område er det opna for lokale tilpassingar, og valstyret fastset då fristar som er tilpassa lokale behov. Valstyret har vedtaksmynde i denne saka.

Faktagrunnlag, problemskildring og moglege løysingar:

Nedanfor følgjer informasjon kva lokale fristar det er behov for å fastsetja i Samnanger i samband med årets val.

1. Klagefrist for godkjent/forkasta listeframlegg

Det går fram av vallova § 6-1 første ledd at fristen for innlevering av listeframlegg til kommunestyrevalet er 31. mars kl. 12. Etter vallova § 6-6 andre ledd må listeframlegga handsamast av valstyret innan 1. juni. Når listeframlegga er godkjende, skal valstyret leggja dei offisielle vallistene ut til gjennomsyn. Etter vallova § 6-8 er det høve til å setja fram klage med krav om endring av valstyret sitt vedtak om å godkjenna eller forkasta listeframlegg. Slik klage må setjast fram innan sju dagar etter offentleggjinga av dei godkjende vallistene. I Samnanger er det i år lagt opp til at valstyret skal handsama dei innkomne listeframlegga torsdag 25. mai. Offentleggjing av overskriftene på dei godkjende vallistene kan då gjerast fredag 26. mai. Eventuelle klagar må setjast fram innan sju dagar etter dette, det vil seia innan fredag 2. juni.

2. Krav frå listestillar om røystesetlar

Det går fram av valforskrifta § 21 at dei som stiller lister kan krevja å få trykt så mange røystesetlar til eige bruk som dei ønskjer, for eiga rekning. Krav om dette må setjast fram innan den fristen som valstyret set. I Samnanger har det vore praksis at partia/gruppene som stiller lister ikkje har betalt for røystesetlane dei har fått, då det har vore snakk om relativt få eksemplar/små mengder og utgifter. Ved valet i 2019 vart fristen i Samnanger fastsett til fredag 28. juni. Dersom fristen skal vera tilsvarande i år, vil den bli fredag 30. juni.

3. Krav om gratis manntalseksemplar

Det går fram av valforskrifta § 3 at alle som stiller liste ved valet har rett til eitt gratis papireksempplar av manntalet for valkrinsen. Krav om manntalseksemplar må setjast fram innan den fristen valstyret har fastsett. Ved valet i 2019 vart fristen i Samnanger fastsett til fredag 28. juni. Dersom fristen skal vera tilsvarande i år, vil den bli fredag 30. juni. Utleverte manntalseksemplar skal leverast tilbake til kommunen innan to år, jr. reglar i valforskrifta § 3 fjerde ledd.

4. Heimerøysting (ambulerande røystegjeving)

Det går fram av vallova § 8-3 sjetten ledd at veljarar som på grunn av sjukdom eller som er uføre og ikkje har høve til å røysta på annan måte, kan søkja om å få avgje røysta si heime. Veljaren må søkja kommunen om dette innan ein frist som valstyret fastset. Søknadsfristen må vera innanfor perioden mellom tysdag og fredag i den siste veka før valet. Søknadsfristen må kunngjerast. Ved valet i 2019 vart søknadsfristen fastsett til tysdag 3. september, altså tysdagen i veka før valdagen. Dersom fristen skal vera tilsvarande i år, vil den bli tysdag 5. september.

5. Frist for å søkja om fritak frå å stå på valliste

Det går fram av vallova § 6-6 femte ledd at valstyret skal varsle samtlege kandidatar på listeforslaga at dei er sette opp på listeframlegg, og opplysa om høvet til å søkja om fritak. Det går vidare fram av punkt 7.9 i Valhandboka at valstyret skal fastsetja ein frist for tilbakemelding. Reglar om rett til å krevja fritak frå å stå på valliste står i vallova § 3-4. Det

går der fram at den som avgjer skriftleg erklæring om at vedkomande ikkje ønskjer å stilla til val på den aktuelle vallista, har rett til å krevja seg fritatt. Fristen for innlevering av listeforslag er 31. mars kl. 12. Listeforslaga skal i år handsamast av valstyret 25. mai. Sakspapira/møteinnkallinga til valstyret 25. mai skal sendast ut seinast ei veke før møtet. For at administrasjonen skal ha nødvendig tid til sakshandsaming før sakspapira/møteinnkalinga blir sendt ut, bør fristen for å søkja om/krevja fritak vera i den første veka i mai.

6. Frist for å melda frå om kva listeforslag ein vil stå på

Det går fram av vallova § 6-6 femte ledd at ein underskrivar eller kandidat som står på fleire listeframlegg ved eit val, skal gjevast pålegg om å melda frå innan ein viss frist kva forslag vedkomande vil stå på. Dersom vedkomande ikkje melder frå om dette, blir ho/han sett opp på det listeforslaget som vart innlevert først. Fristen i dette punktet (punkt 6) bør vera den same som for punkt 5 ovanfor (den første veka i mai).

7. Klagefrist for valoppgjer

Det går fram av vallova § 13-2 at alle som har røysterett kan klaga over forhold i samband med førebuinga og gjennomføringa av kommunestyrevalet i den kommunen vedkomande er manntalsført. Klagen må setjast fram innan sju dagar etter valdagen. Klage over valoppgjeret må fremjast innan sju dagar etter at valoppgjeret er godkjent i kommunestyret. I år kjem sak om godkjenning av valoppgjeret i Samnanger opp til handsaming i kommunestyret torsdag 19. oktober. Fristen for å fremja klage på valoppgjeret må vera seinast sju dagar etter dette, det vil seia torsdag 26. oktober.

Uttalar frå andre:

Det er ikkje henta inn uttalar frå andre i samband med arbeidet med denne saka.

Vurderingar og konsekvensar:

For punkt 1 til 4 i avsnittet «Faktagrunnlag, problemskildring og moglege løysingar», er rådmannen si vurdering at det ikkje er behov for å gjera endringar i forhold til 2019. Dette betyr at rådmannen foreslår at det for desse punkta blir fastsett tilsvarende fristar som ved valet i 2019, samt at kommunen held fram med ordninga med å ikkje ta betalt for røystesetlar til parti/grupper som stiller lister. Rådmannen foreslår følgjande fristar for punkt 1 til 4:

Nr	Tekst	Forslag til frist i 2023
1	Klagefrist for godkjent/forkasta listeframlegg	Fredag 02.06.2023
2	Krav frå listestillar om røystesetlar	Fredag 30.06.2023
3	Krav om gratis manntalseksemplar	Fredag 30.06.2023
4	Søknadsfrist heimerøysting (ambulerande røystegjeving)	Tysdag 05.09.2023

For punkt 5 og 6 foreslår rådmannen at fristen blir fastsett slik at administrasjonen får nødvendig tid til å senda ut skriftleg melding til listekandidatane etter innleveringsfristen for listeforslag (31.03.2023), samt til nødvendig saksførebuing i perioden mellom fristen og utsendinga av sakspapira/møteinnkallinga til valstyremøtet 25.05.2023. Rådmannen foreslår følgjande frist for punkt 5 og 6:

Nr	Tekst	Forslag til frist i 2023
5	Frist for å søkja om fritak frå å stå på valliste	Torsdag 04.05.2023
6	Frist for å melda frå om kva listeforslag ein vil stå på	Torsdag 04.05.2023

For punkt 7 foreslår rådmannen at fristen blir sju dagar etter kommunestyremøtet 19.10.2023:

Nr	Tekst	Forslag til frist i 2023
----	-------	--------------------------

7	Klagefrist for valoppgjer	Torsdag 26.10.2023
---	---------------------------	--------------------

Konklusjon:

Rådmannen sin konklusjon i saka går fram av avsnittet «Vurderingar» ovanfor.